

"মিষ্টি বাচ্চারা -- এই সময় নিরাকার বাবা সাকার শরীরে প্রবেশ করে তোমাদের সুসজ্জিত করে তোলেন, তিনি একা একা কাজ করেন না"

প্রশ্ন:- তোমরা বাচ্চারা স্মরণের যাত্রায় কেন বসো?

উত্তর:- ১) কেননা তোমরা জানো, এই স্মরণ দ্বারা আমাদের আয়ু বৃদ্ধি পায়, আমরা নিরোগী হয়ে উঠি। ২) স্মরণ করলে আমাদের পাপ বিনষ্ট হতে থাকে, আমরা খাঁটি সোনা পরিণত হই। আত্মা থেকে রজো, তমো গুণী খাদ বেরিয়ে গিয়ে কাঞ্চন (পবিত্র) হয়ে ওঠে। ৩) স্মরণ দ্বারাই তোমরা পবিত্র দুনিয়ার মালিক হতে পারবে। ৪) তোমরা সুসজ্জিত (জ্ঞানের দ্বারা) হয়ে উঠবে। ৫) তোমরা বিত্তবান হয়ে যাবে, এই স্মরণই তোমাদের পদ্মগুণ ভাগ্যশালী করে তোলে।

ওম্ শান্তি। আত্মিক বাচ্চাদের আত্মিক পিতা বোঝাচ্ছেন, এখানে বসে তোমরা কি করছ? এমন নয় যে, শুধু শান্তিতে বসে আছে। অর্থ বুঝে জ্ঞান যুক্ত অবস্থায় বসে আছে। বাচ্চারা, তোমাদের জ্ঞান আছে বাবাকে আমরা কেন স্মরণ করি। বাবা আমাদের দীর্ঘায়ু করে তোলেন। বাবাকে স্মরণ করলে আমাদের পাপ কেটে যাবে। আমরা খাঁটি সোনা হয়ে সত্যপ্রধান হয়ে যাব। তোমাদের কতরকম ভাবে সুসজ্জিত করে তোলা হয়। তোমরা দীর্ঘায়ু হয়ে ওঠো। আত্মা কাঞ্চন (পবিত্র) হয়ে যায়। এখন আত্মার মধ্যে খাদ পড়ে গেছে। স্মরণের যাত্রা দ্বারা ঐসব খাদ যা রজো-তমোগুণী হয়ে সঞ্চিত হয়ে আছে সব বেড়িয়ে যাবে। এতোটাই তোমরা লাভবান হও। তারপর আয়ু ও বৃদ্ধি পায়। তোমরা স্বর্গের নিবাসী হয়ে বিত্তবান হয়ে যাবে। তোমরা পদ্মগুণ ভাগ্যশালী হয়ে উঠবে সেইজন্যই বাবা বলেন মন্মুনাভব, মামেকম স্মরণ কর। একথা কোনও দেহধারীর জন্য বলেন না। বাবার তো শরীর নেই। তোমাদের আত্মা ও নিরাকার। বারবার জন্ম নিতে নিতে পরশ বুদ্ধি থেকে পাথর বুদ্ধি হয়ে গেছে। এখন আবার কাঞ্চন হতে হবে। তোমরা এখন পবিত্র হয়ে উঠছ। জল দিয়ে স্নান তো জন্ম-জন্মান্তর ধরে করে আসছ, ভেবেছ আমরা এতেই পবিত্র হয়ে যাব কিন্তু পবিত্র হওয়ার পরিবর্তে আরও পতিত হয়ে লোকসানের মুখে পড়েছ, কেননা এ হলো মিথ্যে মায়া, সবার মধ্যে মিথ্যে বলার সংস্কার। বাবা বলেন, আমি তোমাদের পবিত্র করে দিয়ে যাই, তারপর তোমাদের পতিত কে করে তোলে, এখন তোমরা অনুভব করছ, তাইনা, কত গঙ্গা স্নান করে এসেছ কিন্তু পবিত্র হতে পারনি। পবিত্র হয়ে তবেই তো পবিত্র দুনিয়াতে যেতে পারবে। শান্তিধাম আর সুখধাম হলো পবিত্র ধাম। এ তো হলো রাবণের দুনিয়া, একে দুঃখধাম বলা হয়। এ তো সহজেই বোঝার বিষয় তাইনা! এর মধ্যে মুশকিলের কিছুই নেই, না কাউকে বোঝান মুশকিল। যার সাথেই দেখা হবে শুধুমাত্র তাকে এটা বলা যে, নিজেকে আত্মা মনে করে বাবাকে স্মরণ করো। আত্মাদের পিতা হলেন পরমপিতা পরমাত্মা শিব। প্রত্যেক শরীরের আলাদা-আলাদা পিতা হয় কিন্তু আত্মাদের পিতা একজনই বাবা। কত সুন্দর ভাবে বুঝিয়ে বলেন আর হিন্দিতেই বোঝান (যাতে বুঝতে সুবিধা হয়, অন্য কোনো আঞ্চলিক ভাষায় বললে সকলে বুঝবে না)। হিন্দি ভাষায় হলো প্রধান (যেহেতু অনেকে বোঝে)। তোমরা পদ্মগুণ ভাগ্যশালী তো এই দেবী-দেবতাদেরই বলবে, তাইনা! এরা কত ভাগ্যশালী! এটা কেউ-ই জানে না যে এরা স্বর্গের মালিক কিভাবে হয়েছেন। এখন বাবা এসে তোমাদের একথা শোনাচ্ছেন। তোমরাও বুঝতে পেরেছ আমরা সহজ রাজযোগ দ্বারা পুরুষোত্তম সঙ্গম যুগে এমন হয়ে উঠি। এখন হলো পুরানো দুনিয়া আর নতুন দুনিয়ার সঙ্গম। তারপর তোমরা নতুন দুনিয়ার মালিক হয়ে যাবে। এখন বাবা শুধু এটাই বলেন দুটো শব্দ অর্থ সহ (অর্থাৎ মানে বুঝে) স্মরণ করো। গীতায় আছে "মন্মুনাভব"। শব্দ তো পড়ে কিন্তু অর্থ কিছুই জানেনা। বাবা বলেন, আমাকে স্মরণ করো, কেননা আমিই পতিত-পাবন, আর কেউ এমনটা বলতে পারে না। বাবাই বলেন আমাকে স্মরণ করলে তোমরা পবিত্র হয়ে পবিত্র দুনিয়াতে চলে যেতে পারবে। সর্বপ্রথম তোমরা সত্যপ্রধান ছিলে, তারপর পুনর্জন্ম নিতে নিতে তমোপ্রধান হয়ে গেছে। এখন ৮৪ জন্মের পর আবার তোমরা নতুন দুনিয়ার দেবতা হতে যাচ্ছে।

রচয়িতা আর রচনা দুই-ই এখন তোমরা জেনেছ। সুতরাং তোমরা এখন আত্মিক। পূর্বে জন্ম-জন্মান্তর তোমরা নাস্তিক ছিলে। এইসব যা বাবা এসে শোনান আর কেউ-ই জানে না। যেখানেই যাও না কেন, কেউ তোমাদের এসব কথা শোনাতে না। *এখন দুজন বাবাই (শিববাবা, ব্রহ্মা বাবা) তোমাদের সুসজ্জিত করে তুলছেন। প্রথমে তো বাবা একা ছিলেন। শরীর ছিল না। উপরে বসে তোমাদের সুসজ্জিত করা সম্ভব ছিল না। বলা হয় না -- ১আর ২ মিলে ১২ হয়, এখানে প্রেরণা বা শক্তি ইত্যাদির কোনও কথা আসে না। উপর থেকে প্রেরণা দ্বারা মিলিত হওয়া যায় না। নিরাকার যখন সাকার

শরীরের আধার নেন, তখনই তোমাদের সুসজ্জিত করে তোলেন* ।

তোমরা বুঝেছ- বাবা আমাদের সুখধামে নিয়ে যান । ড্রামার প্ল্যান অনুসারে বাবা বাঁধা, উনি বাচ্চাদের প্রতি কর্তব্য করে থাকেন । প্রতি ৫ হাজার বছর পরে তিনি আসেন বাচ্চারা, তোমাদের জন্য । এই যোগবল দ্বারা তোমরা কত কাঞ্চন তুল্য হয়ে ওঠো । আত্মা আর শরীর দুই-ই কাঞ্চন হয়ে ওঠে, তারপর ছিঃ ছিঃ হয়ে পড়ে । এখন তোমরা সাক্ষাত্কার করছো- এই পুরুষার্থ দ্বারা এমনভাবে সুসজ্জিত হয়ে উঠবো । সত্যযুগে ক্রিমিনাল দৃষ্টি হয়না । সমস্ত অঙ্গ আবৃত (ঢাকা) থাকে । এখানে দেখো ছিঃ ছিঃ কথাবার্তা রাবণ রাজ্যেই শেখে । এই লক্ষী-নারায়ণের পোশাক দেখো কত চমত্কার । এখানে সবাই দেহ-অভিমাত্রী । ওদের সৌন্দর্য প্রাকৃতিক । বাবা তোমাদের এমন প্রাকৃতিক সৌন্দর্যে সুন্দর করে তোলেন । আজকাল তো খাঁটি গয়না কেউ পড়তেও পারেনা । কেউ পড়লেও তো লুট হয়ে যায় । সত্যযুগে ওসব হয়না । এমন বাবাকে তোমরা পেয়েছ যিনি ছাড়া তোমরা এমন হতে পারবে না । অনেকেই বলে আমি তো ডায়রেট শিববাবার কাছ থেকেই গ্রহণ করি । কিন্তু উনি কিভাবে দেবেন, চেষ্টা করে দেখ ডায়রেট চাও । দেখো পাছ কিনা । এমন অনেকে বলে থাকে- আমি তো শিববাবার কাছ থেকে উত্তরাধিকার প্রাপ্ত করব, ব্রহ্মাকে জিজ্ঞাসা করার কি দরকার আছে। শিববাবা প্রেরণার মাধ্যমে আমাদের কিছু দেবেন । ভালো-ভালো পুরানো বাচ্চাদের ও মায়া এইভাবে কামড়ে ধরে । একজন কি করবে । *বাবা বলেন আমি একা কিভাবে যাব ? মুখ ছাড়া কথা বলব কি করে । মুখের-ই তো গায়ন আছে না ! গোমুখ থেকে অমৃত নেওয়ার জন্য কত ধাক্কা খায় । তারপর শ্রী নাথ দ্বারা গিয়ে দর্শন করে, কিন্তু শ্রীনাথ দর্শন করে কি হবে । একে বলে ভূতপূজা । ওর মধ্যে আত্মা তো থাকে না । ৫ তন্ত্র দিয়ে পুতুল তৈরি করে রেখেছে অর্থাৎ মায়াকে স্মরণ করা হলো। ৫ তন্ত্র হল প্রকৃতি, তাইনা । তাকে স্মরণ করলে কি হবে ? প্রতিটি পদার্থই প্রকৃতির আধারে তৈরি হয়। সেখানে সত্বোপধান প্রকৃতি এখানে হলো তমোপধান প্রকৃতি । বাবাকে সত্বোপধান প্রকৃতির আধার কখনোই নিতে হয় না । এখানে তো সত্বোপধান প্রকৃতি পাওয়া সম্ভব নয়। বাবা বলেন এই যত সাধু-সন্ত আছে সবাইকে উদ্ধার আমাকেই করতে হয় । আমি নিবৃত্তি মার্গে কখনোই আসিনা । এটা হলো প্রবৃত্তি মার্গ । সবাইকে বলি পবিত্র হও* । সত্যযুগে নাম-রূপ ইত্যাদি সবকিছু বদলে যায়, সুতরাং বাবা বুঝিয়ে বলেন, দেখো এই নাটক কিভাবে তৈরি হয়েছে । একজনের চেহারা অন্যজনের সাথে মিলবে না। কোটি কোটি মানুষ, সবার চেহারা আলাদা । যতই কেউ কিছু করুক না কেন একজনের সাথে অন্যজনের চেহারা কিছুতেই মেলাতে পারবে না । একেই বলে ভাগ্য, একেই বলে চমত্কার । স্বর্গকে ওয়ান্ডার বলা হয়, তাই না! কত সুন্দর, মায়ার ৭ ওয়ান্ডার (সপ্তম আশ্চর্য), বাবার এক ওয়ান্ডার । ঐ ৭ ওয়ান্ডারকে দাঁড়িপাল্লার একদিকে রাখো, আর অপর প্রান্তে এই ওয়ান্ডার (বাবার) রাখো, তাও দেখবে পাল্লার এইদিক (বাবার ওয়ান্ডার) ভারী হয়ে গেছে । একদিকে জ্ঞান, অন্যদিকে ভক্তিকে রাখো, দেখবে জ্ঞানের পাল্লা ভারী হয়ে গেছে । এখন তোমরা বুঝেছ ভক্তি শেখানোর জন্য প্রচুর মানুষ রয়েছে । জ্ঞান প্রদান করার জন্য একজনই আছেন তিনি বাবা । সুতরাং বাবা বসে বাচ্চাদের পড়ান এবং সুসজ্জিত করে তোলেন। বাবা বলেন পবিত্র হও । বাচ্চারা বলে ওঠে — না, আমরা পবিত্র হব না । গরুড় পুরাণেও বিষয় বৈতরণী নদী দেখানো হয়েছে না ! কুমির, কচ্ছপ, সর্প ইত্যাদি সব একে অপরকে কামড়াচ্ছে । বাবা বলেন, তোমরা কত ধনহীন হয়ে পড়ো। তোমরা বাচ্চাদেরই বাবা এসে বোঝান বাইরে কাউকে এভাবে সোজাসুজি বললে বিগড়ে যাবে । বড় যুক্তি দিয়ে বোঝাতে হয় । কিছু বাচ্চাদের কথাবার্তা বলার কোনও ধারণাই থাকে না । ছোট বাচ্চারা খুব ইনোসেন্ট হয়, সেইজন্য ওদের মহাত্মা বলা হয় । কোথায় কৃষ্ণ মহাত্মা, কোথায় এই সন্ন্যাসী। যাদের প্রবৃত্তি মার্গের মানুষ মহাত্মা বলে । সত্যযুগ ব্রহ্মচার দ্বারা তৈরি হয় না । তাকে বলে শ্রেষ্ঠাচারী । এখন তোমরা শ্রেষ্ঠাচারী হয়ে উঠছ । বাচ্চারা জানে এখানে বাপদাদা দুজন একত্রে আছেন, নিশ্চয়ই তবে সুন্দর ভাবে সুসজ্জিত করে তুলবেন । সবারই মনে তখন হবে, যিনি এই বাচ্চাদের এভাবে সুসজ্জিত করে তুলেছেন আমরাও যাই তাঁর কাছে । সেইজন্যই তোমরা এখানে আস রিফ্রেশ হতে । মন চেষ্টা করে, বাবার কাছে আসার।

যে সম্পূর্ণ নিশ্চয় বুদ্ধি হবে সে বলবে মারধর করো বা যা কিছুই করো না কেনো, আমি কখনোই সাথ ছাড়ব না । কেউ তো বিনা কারণেই ছেড়ে চলে যায় । এটাও ড্রামার খেলা যা পূর্বেই তৈরি হয়ে আছে । বাবা জানেন এ রাবণের বংশের । কল্পে-কল্পে এমনটাই হয়ে আসছে । তারপরও কেউ চলে আসে । বাবা বোঝান, হাত ছেড়ে দিলে পদ কম হয়ে যাবে । সামনে আসে, প্রতিজ্ঞা করে -- আমরা এমন বাবাকে কখনও ছেড়ে চলে যাব না । কিন্তু মায়া রূপী রাবণও কম নয় । ঝট করে নিজের দিকে টেনে নিয়ে আসে । তারপর আবার সামনে এলে তাকে বোঝানো হয়। বাবা লার্ট দিয়ে তো মারবেন না । বাবা তারপরও ভালোবেসে বোঝান, তোমাকে মায়া গ্রহ গ্রাস করতে যাচ্ছিল, ভালো হয়েছে যে বেঁচে ফিরে এসেছ । ঘায়েল হলে পদ কম হয়ে যাবে । যে সব সময়ের জন্য একরস স্থিতিতে থাকবে সে কখনোই টলবে না। কখনও হাত ছাড়বে না । এখান থেকে বাবাকে ছেড়ে আবারও মায়া রাবণের ফাঁদে পড়লে মায়া আরও তীব্র ভাবে গ্রাস করবে। বাবা বলেন,

তোমাদের কত ভাবে সুসজ্জিত করে তুলি। বোঝানো হয় ভালভাবে চলো। কাউকে দুঃখ দিয়ো না। রক্ত দিয়েও লিখে দেয় অনেকে তারপর যেমনকার ঠিক তেমনটাই হয়ে যায়। মায়া ভীষণ শক্তিশালী। কান-নাক ধরে ভীষণ ভাবে যন্ত্রণা দেয়। এখন তোমাদের জ্ঞানের তৃতীয় নেত্র প্রদান করছি সুতরাং ক্রিমিনাল (কুদৃষ্টি) দৃষ্টি হওয়া কখনোই উচিত নয়। বিশ্বের মালিক হতে গেলে কিছু পরিশ্রম তো করতেই হবে না! এখন তোমাদের আত্মা আর শরীর দুটোই তমোপ্রধান হয়ে গেছে। খাদ পড়ে গেছে। এই খাদকে মিটাবার জন্য বাবা বলেন আমাকে স্মরণ কর। তোমরা বাবাকে স্মরণ করতে পার না, লজ্জা হয় না তোমাদের? স্মরণ না করলে মায়ার ভূত তোমাদের গ্রাস করে নেবে। তোমরা কত নিকৃষ্টতম হয়ে গেছে, রাবণ রাজ্যে এমন একজন ও নেই যে বিনা বিকারে জন্মগ্রহণ করেছে। সত্যযুগে এইরকম বিকারের কোনও নামগন্ধই নেই, কারণ রাবণ-ই নেই। রাবণ রাজ্য শুরু হয় দ্বাপর থেকে। পবিত্র করে তোলেন এক বাবাই। বাবা বলেন, বাচ্চারা এই একটা জন্মই তোমাদের পবিত্র হতে হবে তারপর বিকারের কোনও বিষয়ই থাকবে না। ওটা হলো নির্বিকারী দুনিয়া। তোমরা জান এরা পবিত্র দেবী-দেবতা ছিল তারপর ৮৪ জন্ম নিতে নিতে নীচে নেমে এসেছে। এখন পতিত হয়ে আহ্বান করে বলে শিববাবা আমাদের এই পতিত দুনিয়া থেকে মুক্ত কর। এখন যখন বাবা এসেছেন তখন তোমরা বুঝতে পেরেছ এসব পতিত কর্ম, আগে বুঝতে না কারণ তোমরা রাবণ রাজ্যে ছিলে। এখন বাবা বলেন সুখধামে যেতে হলে ছি-ছি হওয়া ছাড়া। অর্ধকল্প ধরে তোমরা নিকৃষ্ট হয়ে আছ, মস্তকে পাপের বোঝা সঞ্চিত হয়ে আছে আর তোমরা গালিগালাজ ও করেছে অনেক। বাবাকে গালিগালাজ করলে অনেক পাপ সঞ্চিত হয়, এটাও ড্রামার ভূমিকা।

তোমাদের আত্মাও ৮৪ বার ভূমিকা পালন করার নিমিত্ত হয়েছে, সুতরাং সেই ভূমিকা পালন করতেই হবে। প্রত্যেককে নিজ-নিজ ভূমিকা পালন করতে হবে, তবে তোমরা কাল্পনিক করছ কেন। সত্যযুগে কেউ কাল্পনিক করে না। জ্ঞানের দশা সম্পূর্ণ হলেই আবার কাল্পনিক, মারামারি শুরু হয়ে যায়। মোহজীত হওয়ার কথা তোমরা শুনেছ। এটা তো একটা মিথ্যে দৃষ্টান্ত তৈরি করেছে। সত্যযুগে কারও অকাল মৃত্যু হয় না। মোহজীত করে তুলতে পারেন একমাত্র বাবা। পরমপিতা পরমাত্মার তোমরা উত্তরাধিকারী, যিনি তোমাদের বিশ্বের মালিক করে তোলেন। নিজেকে জিজ্ঞাসা কর আমরা আত্মারা কি ওঁনার উত্তরাধিকারী? শরীরের পড়াশোনায় কিছুই নেই। এখন তো পতিত মানুষদের মুখ দেখাও উচিত নয়, এমনকি বাচ্চাদের ও দেখানো উচিত নয়। বুদ্ধি দিয়ে সবসময় মনে রাখতে হবে আমরা সঙ্গম যুগে আছি। এক বাবাকেই স্মরণ করি, অন্য সবাইকে দেখেও দেখি না। আমরা নতুন দুনিয়াকেই দেখি। আমরা দেবতা হয়ে উঠছি, ঐ নতুন সম্বন্ধকেই দেখি। পুরানো সম্বন্ধ দেখেও দেখি না। এসবই ভ্রমীভূত হয়ে যাবে। একা এসেছিলাম একাই ফিরে যাব। বাবা একবারই আসেন সাথে করে নিয়ে যেতে। একে শিববাবার বরযাত্রী বলা হয়। সবাই শিববাবার সন্তান। বাবা বিশ্বের বাদশাহী দেন, মানুষ থেকে দেবতা করে তোলেন। আগে বিষ নির্গত হতো এখন অমৃত উচ্চলে পড়ছে। আচ্ছা!

মিষ্টি-মিষ্টি হারানিধি বাচ্চাদের প্রতি মাতা-পিতা, বাপদাদার স্মরণের স্নেহ-সুমন আর সুপ্রভাত। আত্মাদের পিতা ওঁনার আত্মা রূপী বাচ্চাদেরকে জানাচ্ছেন নমস্কার।

ধারণার জন্যে মুখ্য সার:-

১) নিজেকে সঙ্গম যুগ নিবাসী মনে করে চলতে হবে। পুরানো সম্বন্ধ দেখেও না দেখার ভান করে থাকতে হবে। বুদ্ধিতে যেন থাকে একাই এসেছিলাম, একাই যেতে হবে।

২) আত্মা আর শরীর দুই-ই কাঞ্চন তুল্য করে তোলার জন্য জ্ঞানের তৃতীয় নেত্র দ্বারা দেখার অভ্যাস করতে হবে। কু-দৃষ্টিকে সমাপ্ত করতে হবে। জ্ঞান আর যোগ দ্বারা নিজেকে সুসজ্জিত করে তুলতে হবে।

বরদান:- বাবার ছত্রছায়ায় সদা আমোদ অনুভব করতে আর অন্যদেরও করাতে সমর্থ বিশেষ আত্মা ভব* যেখানে বাবার ছত্রছায়া আছে সেই স্থান মায়ার থেকে সবসময় নিরাপদ। ছত্রছায়ার ভিতরে মায়া প্রবেশ করতে পারে না, পরিশ্রম থেকে মুক্ত হয়ে যাবে। কেননা পরিশ্রম আনন্দের অনুভব করতে দেয় না। ছত্রছায়ার নীচে থাকা বিশেষ আত্মারা এই উচ্চ স্তরের ঈশ্বরীয় পাঠ পড়েও আনন্দে থাকে। কেননা তারা নিশ্চিত যে আমরা কল্প-কল্প বিজয়ী হয়েছি, সফলতা অর্জন করেছি। সুতরাং সবসময় আনন্দে থাকো আর অন্যদেরও আনোদে থাকার সন্দেশ দিতে থাকো। এটাই হল সেবা।

স্লোগান:- যে ড্রামার রহস্যকে জানে না, সেই নারাজ অর্থাৎ হতাশ হয়ে যায়*।